

## Script of Evening Gojri News Bulletin 08 August 2024 at 1700

Hrs

ایونٹنگ گو جری نیوز بلیٹن مورخہ 08 اگست 2024

\*\*\*\*\*

یوہ آکا شوانی جموں بے محمد امین انجم تے عبدالمجیدتیں خبر سُنو۔ پہلاں خاص خاص خبر۔

\*\*\*\*\*

\*1۔ چیف سیکریٹری اتل ڈلو نے 3 سو 12 عشاریہ 89 کروڑ روپیاں غی پانی سپلائی اسکیمان نانہ منظوری دتی ہے۔

\*2۔ مرکز نے وقف ترمیمی پل 2024 لوک سبھا مانہ متعارف کرا غے اس نانہ پارلیمانی کمیٹی کول جائزہ واسطے ٹور دتو ہے۔

\*3۔ سوچھتا پکھواڑہ غے تحت جموں کشمیر یوٹی پھر مانہ شجرکاری سلسلو منعقد کیو جا رہیو ہے۔

\*4۔ تے پیرس اُلپکس مانہ اُلپکس مانہ راج کر چکا تے نیزو پھینکن مانہ عالمی چمپئن نیرج چوہڑا اج رات اک بار پھر میدان مانہ آویں گا۔

\*\*\*\*\*

خبران غی تفصیل نال پہلاں محمد امین انجم۔

CS

چیف سیکریٹری اتل ڈلو نے اج یوٹی سطح غی سٹیر ینگ کمیٹی یو ٹی ایل ایس سی غی میٹنگ منعقد کی۔ یاه میٹنگ 47 پانی سپلائی اسکیمان نانہ انتظامیہ منظوری دین غا ضمن مانہ بلائی گئی۔ جھیڑی جموں کشمیر غا بڑا قسبان واسطے تیار کی گئیں۔ موصوف نے افسران ور زور پایو جے تمام پروجیکٹاں واسطے ٹرینڈ کا روانی شروع کی جا نے۔ کمشنر سیکریٹری منڈپ کور نے اتل مشن غے تحت منظور کیا گیا پروجیکٹاں غی تفصیل پیش کی۔ انہاں نے دسیو جے پروجیکٹاں غو مقصد شہراں نانہ پانی غا حوالہ سنگ محفوظ بنانو نالے تمام لوکان نانہ نلکا غو پانی مہیا کرانو ہے۔ انہاں نے امرت 2 عشارعہ صفر غے تحت جا نکا ری دتی ہے جے 49 پروجیکٹ منظور کیا گیا جن غی قیمت 3 سو 30 عشاریہ 54 کروڑ روپیہ بنے۔

\*\*\*\*\*

LS Waqf Bills

وقف ترمیمی پل 2024 مزید چھان بین واسطے سانجھی پارلیمنٹری کمیٹی نانہ ٹوریو کیو ہے۔ اج لوک سبھا مانہ متعارف کران تیں بعد اقلیتی امور غا وزیر کرن راجی جو نے کہیو جے سرکار ہو رچھان بین واسطے تیار ہے۔ انہاں نے کہیو جے مرکزی حکومت غی نیت صاف ہے تے قانون سازی مانہ کجھ وی خفیہ نہیں ہے۔ استیں پہلاں پل پیش کرتاں وان وزیر نے واضع کیو جے پل غو مقصد مذہبی تنظیم غا کم کاج مانہ دخل دین غی کوئی نیت نہیں ہے تے یوہ غریب مسلم لوکان نانہ انصاف دوان واسطے تیار کیو گیو ہے۔ موصوف نے اُجاگر کیو جے یوہ قانون شفافیت لیان واسطے بنایو گیو ہے۔ اس تیں پہلاں پل غی مخالفت کرتاں وان کانگریس، ٹی ایم سی، سماج وادی پارٹی، ڈی ایم کے، این سی پی (ایس پی) کبھا دھڑا تے کنیں بوراں نے اس پل نانہ مذہبی آزادی غا سلسلہ مانہ آئیں غی خلاف ورزی دسیو۔

\*\*\*\*\*

Swachta Pakhwada

سوچھتا پکھواڑہ مہم تے یوم آزادی تقریبات غا اک حصہ غا طور ور سرکاری لڑکاں غا ہائر سکینڈری اسکول ڈوڈہ مانہہ اک ترنگا ریلی غو انعقاد کیو گیو۔ اسکول غا این سی سی طالب علم 100 فٹ لمو ترنگو لے غے محب وطن غا ترانا گا تاں واں علاقہ غا بازاراں تیں گذریا۔ شہریاں مانہہ وطن غی محبت تے آزادی غی سوچ غی یاد کراتاں واں ایسی تقریبات غی اہمیت با رے دستاں واں پرنسپل ہائر سکینڈری اسکول ڈوڈہ نے اس طرح کہیو۔۔ بانٹ۔۔

\*\*\*\*\*

### Samba Plantation Drive

ایک پیڑ ماں کے نام“ تے ایک پیڑ شہید کے نام“ بوٹا لان غی مہم غا اک حصہ غا طور ” ور سانہہ میونسپل کونسل نے اج بوٹا لان غی بڑا پیمانہ ور مہم چلائی۔ اس مہم غے دوران ایم آر ایف مرکزما دھیرا سانہہ غا احاطہ مانہہ میونسپل کونسل سانہہ غا ایکزکیٹو افسر جو دھراج غی سربراہی مانہہ بوٹا لایا گیا تے اس دوران اسکولی بچاں، عمردراز شہریاں تے اساتذہ نے مائی زمین نانہہ سر سبز رکھن واسطے اپنا ہتھیں بوٹا لان گو عہد کیو۔ آکاشوانی نال گل کرتاں واں ایکزیکٹو افسر میونسپل کونسل سانہہ جو دھراج نے کہیو۔۔ بانٹ۔۔

\*\*\*\*\*

### Kathua Plantation

چیف ایجوکیشن افسر کٹھوعہ منگت رام شرما نے بیڈماسٹر پارلی ونڈ انیل کمار تے عملہ غے ہمراہ سوچھتا پکھواڑہ تے سوچھتا سنگرام غے تحت ”ایک پیڑ ماں کے نام“ اک پیڑ شہید کے نام“ غا حصہ غے طور ور بوٹا لایا۔ اس دوران کٹھوعہ ضلع غاتمام اساتذہ تے طالب علمان نانہہ یوہ سنہیو دتو کیو جے وے زیادہ تیں زیادہ بوٹا لا غے اس کم نانہہ تاوان پورو کریں تا نجے برسات غا اس موسم مانہہ بوٹا اگ جا ویں۔ آکاشوانی جموں نال گل کرتاں واں چیف ایجوکیشن افسر کٹھوعہ نے اس طرح کہیو۔۔ بانٹ۔۔

\*\*\*\*\*

### Reasi Martyer

ضلع ریاسی غے اندر شہید گلاب سنگھ غی بیوی نے گلاب سنگھ یادگار ری پارک ریاسی غو افتتاح کیو۔ شہید گلاب سنگھ پولیس کیمپ شوپیاں مانہہ تعینات تھا جت 19 مارچ 2003 نانہہ دہشت گردان نال اک ٹاکرا مانہہ انہاں نے شہادت حاصل کی۔ اس موقعہ ور ریاسی پولیس غی سپرٹینڈینٹ آئی آر پی اول بٹالین انیتا شرما نے کہیو جے ملک شہید جوانان غو ہمیشہ قرض دار رہ گو جنہاں نے اپنی جاناں غی قربانی دے غے ملک غی حفاظت کی۔ اس موقع ور ”ایک پیڑ شہید کے نام“ غے تحت بوٹا لایا گیا۔ یہ بوٹا آئی آر پی غی پہلی بٹالین غا احاطہ مانہہ لایا گیا۔ جس غو مقصد شہیداں نانہہ خراج عقیدت پیش کرنوتھو۔

\*\*\*\*\*

یہ خبر تم آکاشوانی جموں تیں سن رہیا ہیں خبراں غا باقی حصہ نال عبدالمجید۔

### Olympic Champion

پیرس الیمپکس مانہہ اولمپک ور راج کر چکا تے نیزو پھیکن مانہہ عالمی چمپین نیرج چوپڑا اج رات اک وری پھر تاریخ رقم کرن غا مقصد نال میدان مانہہ آویں گا بھارتی مردان غی باکی ٹیم اج شام کا نسہ غا تمغہ واسطے مقابلہ مانہہ سپین نال مقابلو کھیڈے گو۔

\*\*\*\*\*

### ISRO I Day

بھارتی خلائی تحقیقی تنظیم اِسرو مدار مانہہ دھرتی غا مشاہدہ با رے سیٹ لائٹ شروع کرتاں واں مدار مانہہ یوم آزادی مناوے گی۔ اس سلسلہ مانہہ 15 اگست غے تہاڑے سویرے

9 بجے 17 منٹ ور لوہکی خلائی گڈی سری بری کوٹھ غا مقام تیں استعمال کی جائے گی۔ یہ گڈی اسرو غی طرفوں تیار کی گئی ہے۔ جہیڑی کنیں لوہکی سیٹی لا نٹاں نانہ لے جا سکے گی۔ مذکورہ خلائی گڈی 5 سو کلو گرام سیٹ لا نٹ 5 سو کلو میٹر تک چاڑے گی۔ قابل ذکر ہے جے اک بار مظاہرہ پرواز کامیاب طریقہ نال ہو جائے تاں نجی سیکٹر نانہ ایسی گڈی تیار کرن واسطے منتقل کی جائے گی۔

\*\*\*\*\*

## LS MSME

مرکز نے اج کہیو ہے جے پی ایم وشو کرما اسکیم ور درمیانہ لوہکی تے پہلیاں لوہکی صنعتاں بارے سیکٹر غے تحت ”اڈیم“ پورٹل غے ذریعے 20 کروڑ روزگار غا موقع پیدا کیا گیا ہیں۔ لوک سبھا مانہ ایم ایس ایم ای بارے وزیر جتن رام مانجھی نے وقفہ سوالات غے دوران اضافی سوالات غو جواب دیتاں واں کہیو جے وزارت غا اڈیم پورٹل ور 4 عشاریہ 8 کروڑ لوکاں غو اندراج کیو گیو۔ انہاں نے جانکاری دتی ہے جے کریڈٹ گرینٹی اسکیم آتم نربھر اسکیم غے تحت تے دوجی شروعاتاں غے تحت وزارت ملک مانہ روزگار غا موقع بدھان غی کو شش کر رہی ہے۔ وزیر نے مزید کہیو جے اس سلسلہ مانہ خواتین تے نوجواناں واسطے روزگار پیدا کرن غی خاطر خصوصی زور دتو جا رہیو ہے۔

\*\*\*\*\*

## KVK Rajouri

کریشی وگیان کیندر راجوری نے سائنسی زراعت تے آمدن بخش آکائیاں غا موضوع ور اک پروگرام غو انعقاد کیو۔ ”آتما اسکیم“ غے تحت راجوری غا بکھ بکھ گرایاں تیں زراعت نال جڑی تقریباً 80 کالسریاں جن نانہ کریشی سکھی تے پشو سکھی کہیو جائے تے اس پروگرام مانہ شرکت کی۔ اس موقع ور مذکورہ مرکز نے خصوصی پٹر مندی آلا پروگراماں جن مانہ مشروم غی کاشت، مرغی پالن ڈیری فارمنگ تے برمی کمپوسٹینگ غا بارہ مانہ ان خواتین نانہ جانکاری دتی۔ کریشی وگیان کیندر غی طرفوں دیہی علاقاں غا بے روزگاراں نوجواناں واسطے آمدنی غو ذریعو مہیا کران غا سلسلہ مانہ کھاد فروشاں واسطے اک خصوصی پروگرام وی منعقد کیو جا رہیو ہے۔ چیف سائنسدان ڈاکٹر آرونڈ نے کساناں نال خطاب غے دوران یہاں گل کہی۔۔۔ بانٹ۔۔۔

\*\*\*\*\*

## Apiculture Development Scheme

شہد غی مکھی پالن نانہ بابدو دین غی خاطر متعلقہ محکمہ غی طرفوں اک روزہ تربیتی پروگرام غو انعقاد کیو گیو۔ یوہ تربیتی پروگرام جموں ضلع غا کساناں تے کاروباریاں واسطے کسان کیندر تالاب تلو جموں مانہ منعقد ہوؤ۔ اس موقع ور بولتاں واں ڈائرکٹر ایگرکلچر ایس اے ایس رین نے کہیو جے تربیتی پروگرام غو مقصد شہد غی پیداوار بدھانو ہے۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔